



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**In Evangelia: Qvæ Vsitato More in diebus Dominicis &  
Festis proponuntur, Annotationes Philippi Melanth.**

**Melanchthon, Philipp**

**Vuitebergæ, 1544**

**VD16 E 4532**

Dominica Qvinqvagesimæ Euangelium, Luc. XVIII.

**urn:nbn:de:hbz:466:1-35272**

*alios plus laborare alijs. ut Paulus pluribus prædica-  
cavit, quam aliquis alius.*

DOMINICA QVINQVAGESIMAE  
Euangelium,  
Luc. XVIII.

**A**SSUMPSIT autem Iesus duodecim, & ait ad illos: Ecce ascendi-  
mus Ierosolymam, & consummabun-  
tur omnia, quæ scripta sunt per Pro-  
phetas de filio hominis, Tradetur em̄  
gentibus, & illudetur, & contumelijs  
afficietur, & conspuetur. Et postquam  
flagellauerint, occident eum, & die ter-  
tia resurget. Et ipsi nihil horum intel-  
lexerunt, & erat uerbum istud abscon-  
ditum ab eis, et non cognoscebant, quæ  
dicebantur.

Factum est autem, cum appropin-  
quaret Iericho, cæcus quidam sedebat  
secus uiam medicans. Cum autem au-  
dieret turbam prætereuntem, sciscitaba-  
tur quid hoc esset. Annunciauerunt  
autem ei, quod Iesus Nazarenus tran-  
siret. Et clamauit dicēs, Iesu fili Dauid  
miserere mei. Et qui præibant, increpā-  
bant

I

bant

DOMINICA

bant eum, ut taceret. Ipse uero multo magis clamabat, Fili Dauid miserere mei. Stans autem Iesus, iussit illū adduci ad se. Cū autem appropinquasset, interrogauit illū dicens, Quid tibi uis ut faciā? At ille dixit, Domine, ut respiciam. Et Iesus dixit ei, respice, fides tua te saluū fecit. Et confestim respexit, & sequebatur illum glorificans Deū, et omnis plebs ut uidit, dedit laudem Deo.

*De coecitate humana  
secus iudicatur  
de Christo  
et ecclesia  
Ecclesiam  
subiectam  
ad crucem*

**P**rimus Locus est de coecitate humana, quae fugit Crucē & de Christo, & de Ecclesia propter crucem secus iudicat. Sicut Apostoli et Iudei expectabant Messia, qui eis daret opes et imperia, non qui augetet miseria. Sic prophani non iudicant hunc ærumnosum coetū esse Ecclesiam, quem Reges et Principes persequuntur. Ideo Euangeliū toties nos admonet, oportere Ecclesiam, simile esse filio Dei. Sicut ab initio subiecta fuit afflictionibus ut exempla Abel, Isaac, Iacob, Ioseph, Esaiæ, Ieremie, & similibus testantur. Talis semper est Ecclesia, sicut in Paradiso prædictū est. Et serpens calcaneum eius mordebit.

*De apostolo  
vum infirmitate*

SECUNDVS. Quod Ecclesia habeat errores et infirmitatem, testatur hæc imbecillitas Apostolorum

postolorum, qui tum nondum persuaderi poterant,  
Christum tam atrociam & indignam passurum esse.  
Estq; consolatio, quod Deus etiam infirmos, qui ta- *Quod Deus*  
men sunt dociles, non aspernatur, sicut Paulus *infirmos*  
inquit de infirmis, Deus eos recepit. *recipiat,*

TERTIVS. Accommodatio fiat ad nos ipsos. *quatenus*  
Hec misera natura est sub peccato, ideo morti et *sunt dociles.*  
multis ingentibus calamitatibus subiecti sumus, & *les.*  
iudicium à domo Dei incipit. Porro cum sumus  
in afflictionibus, cogitamus nos abiectos & deser-  
tos esse. Hic discamus ex Euangelio iudicare de  
his ærumnis, discamus hanc oportere esse formam  
Ecclesie, imponi ærumnas, ut agnoscamus pecca-  
tum, & queramus liberatorem. Sicut inquit Pau-  
lus. Conclufit Deus omnes sub peccatum, ut omni-  
um misereatur. Item. Venite ad me omnes qui la-  
boratis, Item, Viuo ego, nolo mortem peccatoris,  
sed, ut conuertatur & uiuat.

SECUNDA PARS DE  
COECO.

Cæcus fide impetrat uisum, et constantiam fidei *Constantiam*  
tantam prestat, ut non desinat clamare, etiam *fidei in*  
alijs eum obiurgantibus. Hoc exemplum, ut pleraq; alia *Coeco.*  
uidelicet Centurionis, Cananæ et aliorum, pertinet

12 ad hunc

## DOMINICA

*Imitatio  
& fides  
proprij  
cultus Eua  
gelij*

ad hunc præcipuum locum. docet qualis liberator sit Christus, docet item de fide, Nam hunc cultum ratio & lex non docent, sed est proprius Euangelij, ideo toties proponitur, ut nos quoque eum exercere discamus, & Christo præstare. Sicut hic cæcus, sicut Cananæa petunt fide sanationem, propter hunc Dominum, nec deterrentur ab eo conspectu suæ indignitatis. ita & nos confugere ad hunc Dominum, fide petere & expectare necessaria beneficia debemus. Hic est præcipuus cultus & proprius sanctorum seu Ecclesiæ, Et huc omnes tales sententiæ pertinent. inuoca me in die tribulationis, & eripiam te. Quicumque inuocauerit nomen Domini saluus erit. Item. in ipso gentes sperabunt.

*Qualis li  
berator  
sit chry.*

Huc congerantur omnia exempla in Euangelio, ubi Christus suo testimonio fidem prædicat. Fides tua saluam te fecit. Et hæc ipsa Exempla testantur, Christum esse talem liberatorem, cui hæc natura, mors & peccatum subiecta sint, qui sit liberaturus nos, à ueris & æternis malis, à quibus nemo alius Princeps liberare potuit. Et sic sentit cæcus de hoc Domino, cum uocat eum filium Dauid, id est, Messiam promissum Dauidi, et petit reddi uisum, quod nemo præstare poterat, nisi talis dominus, cui hæc natura rerum subiecta sit.

Dominica